

## **POLISI IAITH CYNGOR CYMUNED LLANLLYFNI.**

1. Iaith swyddogol / weinyddol y Cyngor fydd y Gymraeg ac yn y Gymraeg y trafodir holl faterion yng nghyfarfodydd Y cyngor yn unol â rheol Sefydlog 19.
2. Mae'r Cyngor yn ymrwymo i hyrwyddo'r defnydd o'r Gymraeg ym mhob agwedd o fywyd cyhoeddus y Dyffryn.
3. Bydd Posteri yn hysbysebu Cyfarfodydd Cyhoeddus ar ran y Cyngor i'w lunio yn Gymraeg, gyda thalfyriad o'r cynnwys yn y Saesneg. Nodir yn glir os fydd etholwr angen offer cyfieithu yn y cyfarfod hwnnw iddynt gysylltu gyda'r Clerc o flaen llaw mewn da bryd.
4. Dylid rhoi blaenoriaeth i'r Gymraeg mewn unrhyw ohebiaeth, gylchlythyr, datganiad i'r wasg fo'n ddwyieithog.
5. Dylai pob gohebiaeth agoriadol fod yn Gymraeg. Dylid ysgrifennu at bob corff cyhoeddus, pob cyngor a chorff enwebedig sydd o dan reolaeth Llywodraeth Cymru neu Lywodraeth Brydeinig yn y Gymraeg.
6. Os fydd ymwelydd swyddogol i'r Cyngor yn cynrychioli corff neu fudiad yng Nghymru sydd â pholisi iaith gyfredol, yn y Gymraeg cynhelir y drafodaeth. Dylai'r Clerc hysbysu'r ymwelwyr o polisi'r Cyngor o flaen llaw. Petai'r corff yn dewis anfon cynrychiolydd nad yw'n siarad Cymraeg, cyfrifoldeb y Corff hwnnw yw sicrhau fod offer cyfieithu ar gael i'w ddefnyddio.
7. Petai'r Cyngor yn derbyn llythyr oddi wrth etholwr yn y Saesneg, atebir y llythyr hwnnw yn yr iaith Saesneg.
8. Yn y Gymraeg y cedwir pob cofnod o drafodaeth y Cyngor yn unol â rheol sefydlog 19 . Ond os yw etholwr yn gofyn am gopi o'r cofnodion yn yr iaith Saesneg, yna gellir cyfieithu'r cofnod sydd dan sylw yn unig. Ni fydd y Cyngor yn darparu fersiynau Saesneg o'r cofnodion llawn. Petai aelodau di-Gymraeg yn cael eu ethol byddai'r sefyllfa'n cael ei esbonio iddynt. Byddai'r Clecr/Caederydd yn crynhoi'r drafodaeth fel bo'r angen. Petai'r Cadeirydd yn ddi-Gymraeg, gall y Cyngor enwebu rhywun arall.